

# Gvangjsih Minzcuz Bau

广西民族报 aenhauh okbanj: CN45-0036 B.2021 Nd.8 Ng.18 liggaueq sincouj nienz ndwencaet cib'it

Baihguenjbanh:  
Gvangjsih Bouxcuengh Swcigih  
Minzcuz Cunghgyau Swvu  
Veijyenzvei  
Biengauj okbanj:  
Gvangjsih Minzcuz Bause  
Geizsoq: Gungh daih 3487 geiz  
Geiz neix 8 banj

## Gvangjsih Haeujlaeg Guhndei Gunghgung Vwnzva Giekdae Sezsih 广西深入完善公共文化基础设施

Ndwen 8 ngoenz 13, Gvangjsih Vwnzva Caeuq Lijyouz Dingh lwnh vunzlai rox, yaek youq gunghgung vwnzva giekdae sezsih caeuq lijyouz gunghgung fuzvu sezsih fuengmienh guhndei mizgven neiyungz.

Seizneix, Gvangjsih miz gunghgung duzsuhgvanj 115 aen, vwnzva-gvanj 124 aen, meijsuzgvanj 3 aen, yanghcin cunghab vwnzvaca 1174

aen, cunh gaep gunghgung fuzvu cungsims 14295 aen, gihbwnj saed-yienh aen moegbiu "si yienh miz guenj, lajmbanj miz camh". Youq lijyouz gunghgung fuzvu sezsih fuengmienh, gungh hwnjguh baenz singgaep heiqci yingzdi 61 aen, guekgya buek nduj 5C gaep gag hai ci lijyouz yingzdi aen ndeu.

Bineix Gvangjsih Vwnzva Caeuq

Lijyouz Dingh gaenq youq daengx gih gvaengxlaengx cujciz haiguh hong gunghgung vwnzva gihgou caeuq lijyouz fuzvu cungsims fuzvu goeng-naengz yungzhab sawqdiemj danhvei, 5 aen danhvei ndaej guekgya gaep yungzhab sawqdiemj danhvei, 20 aen danhvei dingh baenz swcigih gaep sawqdiemj danhvei.

Ciuq gaisau, yamqlaeng, Gvangj-

sih yaek cungdenj hwnjguh Gvangjsih cunh gaep gunghgung fuzvu cungsims vwnzva lijyouz yungzhab sawqdiemj, dingh fatbough 《Gvangjsih Cunh Gaep Gunghgung Fuzvu Cungsims Vwnzva Lijyouz Yungzhab Sawqdiemj Hwnj-guh Gveihfan (Biucinj) 》, caemhcai youq daengx gih gvaengxlaengx dajcauh 30 aen cunh gaep vwnzlij yungzhab sawqdiemj.

(Dangz Yijveih Linz Vwnzhaij)

### Liujcwngz: Mbanj Vut-gungz Nyaengq Dajsou 柳城: 脱贫村里收获忙

Ndwen 8 ngoenz 13, youq Liujcouh Si Liujcwngz Yen Dunghcenz Cin Leizdangz Cunh Mbanjbwzan, vunzlai dangdieg cingq ding ndit youq suenmak sou maknongzoet. Geij bi neix daeuj, Liujcwngz Yen doenggvaq hwnghat nungzminz hozcozse, gyadingz nungzcangz daengj cawjdaez guenjguh yienghmoq 112 aen, laebbaenz dieggoek canjnieb 31 aen, haenqrengz ndaem mak, ndaem gosangh ciengx nonsei, ndaem rangz daengj, hawj vunzlai gungzhoj ndaej laisou baenzmiz, gyamaenh gij cingzgoj vutgungz.

(Dwngz Gwzyi ingj)



### Aen Hanghmoeg Cwkyo Vwnzva Vahgangj Bouxcuengh Vujmingz Cingqsik Haiguh 武鸣壮族语言文化典藏项目正式启动

Vih vatcimh, swncienz caeuq baujhoh vwnzva vahgangj cienzdoengj Bouxcuengh, mboengqneix, aen hoih haiguh hanghmoeg 《Cwkyo Vwnzva Vahgangj Minzcuz Vunznoix Gvangjsih • Vahcuengh Vujmingz》 youq Nanzningz Si Vujmingz Gih hai, neix dwg naeuz aen hanghmoeg cwkyo Vahcuengh Vujmingz 3 aen sawqdiemj danhvei cwkyo vwnzva vahgangj minzcuz vunznoix Gvangjsih ndawde aen ndeu cingqsik haiguh.

Hong cwkyo vwnzva vahgangj Bouxcuengh Vujmingz Gih, yaek doenggvaq dungjcouz feihvuzciz vwnzva yizcanj, roengz mbanj diuhcaz, vwnzva swnghdai boujhoh daengj hingzsih, daj ranzcanx Bouxcuengh, hongdawz ngoenzyngh, ndangdaenj, gijgwn, dinfwngz guhhong, hozdung ngoenznaengz, aeubawx baehaq guhsang, ngoenz-ciet, eu fwen daengj lai fuengmienh langhbaij

vwnzva Bouxcuengh, aeu gij doxgaiq caeuq gyoengqde doxgven haenx yungh doz faenz sibinz daengj ciengxlwenx geiqloeg roengzdaej, neix dwg engq haeujlaeg engq cienzmienh bae ciengjgouq diucaz caeuq baujhoh vwnzva Bouxcuengh. Gwnz hoih, aen cuj lauxhangz swcigih gejnaeuz guh swzdiuz neiyungz diucaz cwkyo vwnzva vahgangj Bouxcuengh, doiq guh ndei hong diucaz daezok yigen, bouxvunz camgya hai hoih ciuq baenzlawz guh ndei swzdiuz souloeg doxgyau gangjgoj.

Ciuq cam rox, seizneix Vujmingz haenqrengz daj "sam aen laebndei" boiqhab Gvangjsih Minzcuz Yijvwnz Yenzgiu Cunghsinh guh ndei hong diucaz swzdiuz cwkyo vwnzva: Laebndei cujciz lingjdauj; laebndei aen doih vunz diucaz; laebndei aen gihci guhhong.

(Vujmingz Gih Minzcunghgiz)

### Cuengh Gun Song Vahsaw Hag Coenzgim 壮汉双语学金句

Cunghgoz Gungcanjdangj lingjdauj dwg gij dwzcwngh ceiq bonjaet sevei cujyi miz daegsaek Cunghgoz, dwg giindei ceiq hung aen cidu sevei cujyi miz daegsaek Cunghgoz, dwg diegyouq goekgaen, minghmeg aendangj caeuq guekgya, dwg gvendaengz leih'ik, minghyinh daengx guek beksingq.

——Gij gangvah Siz Ginbingz youq Aen Hoih Angqhoh Cunghgoz Gungcanjdangj Laebbaenz 100 Hopbi

中国共产党领导是中国特色社会主义最本质的特征,是中国特色社会主义制度的最大优势,是党和国家的根本所在、命脉所在,是全国各族人民的利益所系、命运所系。

——习近平 2021 年 7 月 1 日在庆祝中国共产党成立 100 周年大会上的讲话